

REGIONALNI STAMBENI PROGRAM - RSP

Broj: 04-36-1-134-*9718-2* /13

Datum: *15-04-2021*

Na osnovu člana 70. stav (1) i (3) Zakona o javnim nabavkama – u daljem tekstu: Zakon („Službeni glasnik BiH“, broj: 39/14), a na Preporuku Komisije za javne nabavke, imenovane Rješenjem broj: 04-36-1-134-9577-2/13 od 20.01.2021. godine, Federalni ministar raseljenih osoba i izbjeglica **d o n o s i**

**O D L U K U**  
**O IZBORU NAJPOVOLJNIJEG PONUĐAČA -**  
**Izvođenje građevinskih radova na rekonstrukciji/izgradnji stambenih jedinica u**  
**gradovima/općinama: Glamoč (16 st.jedinica) i Kupres (1 st. jedinica) - 17 stambenih jedinica,**  
**u okviru Regionalnog stambenog programa - RSP,**  
**BiH5 Pod-projekta, 07/20-RSP-BIH5**

**LOT 3**

**I**

U cilju odabira najpovoljnijeg ponuđača, nakon provedenog otvorenog postupka javne nabavke radova - Izvođenje građevinskih radova na rekonstrukciji/izgradnji stambenih jedinica u gradovima/općinama: Glamoč (16 st.jedinica) i Kupres (1 st. jedinica) - 17 stambenih jedinica, u okviru Regionalnog stambenog programa - RSP, BiH5 Pod-projekta, 07/20-RSP-BIH5, kao najbolje ocijenjena prihvatljiva ponuda je ponuda ponuđača: **“BAJRIĆ-BN” D.O.O. TRAVNIK, sa ukupnom cijenom ponude sa uračunatim popustom bez PDV - a u iznosu od 817.633,30 KM.**

**II**

Ponuđač iz tačke I ove odluke ocijenjen je kao prihvatljiv, jer ispunjava sve uslove postavljene tenderskom dokumentacijom.

**III**

Dokaze o kvalifikaciji ponuđača, ponuđač je obavezan dostaviti u roku od 7 (sedam) dana od dana obavještenja ponuđača o rezultatima postupka, u skladu sa odredbama tenderske dokumentacije.

**IV**

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona, istovremeno s upućivanjem iste ponuđačima koji su učestvovali u predmetnom postupku javne nabavke.

**O b r a z l o ž e n j e**

Postupak nabavke pokrenut je Odlukom o pokretanju postupka nabavke, broj: 04-36-1-134-9577/13 od 24.12.2020. godine. Javna nabavka provedena je putem otvorenog postupka. Predmet nabavke podijeljen je na šest LOT-ova. Ukupna procijenjena vrijednost nabavke iznosila je 3.326.867,00 KM, bez PDV-a i predviđena je Planom javnih nabavki za 2020. godinu u okviru Regionalnog stambenog programa, pod rednim brojem 07/20-RSP-BIH5. Procijenjena vrijednost nabavke za Lot 3 je iznosila 698.231,00 KM. Obavijest o nabavci, broj: 668-1-3-123-3-149/20 poslana je na objavu 30.12.2020. godine, te je zajedno sa tenderskom dokumentacijom istog dana objavljena na portalu javnih nabavki. Sažetak Obavještenja o nabavci objavljen je u „Službenom glasniku BiH – Oglasnik javne nabavke“, broj: 01/21.

Jedan ponuđač je dostavio ponudu u predmetnom postupku nabavke. Ponuda je dostavljena blagovremeno. Ponudu je dostavio sljedeći ponuđač: "BAJRIĆ-BN" D.O.O. TRAVNIK.

Komisija za javne nabavke, imenovana Rješenjem, broj: 04-36-1-134-9577-2/13 od 20.01.2021. godine, izvršila je pregled i evaluaciju prispjelih ponuda i konstatovala da je zaprimljena ponuda prihvatljiva za ugovorni organ.

Nakon izvršenog pregleda i evaluacije ponude, Komisija je dostavila Projekt menadžeru Zapisnik o pregledu i ocjeni ponuda, broj: 04-36-1-134-9705-2/13 od 24.03.2021. godine zajedno sa Preporukom da se donese Odluka o izboru najpovoljnijeg ponuđača "BAJRIĆ-BN" D.O.O. TRAVNIK, sa registriranim sjedištem na adresi u ul. Polje Slavka Gavrančića bb, Travnik, ID broj: 4236071400008, za predmetnu nabavku.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije. U postupku ocjene provedenog postupka, Projekt menadžer nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

#### **POUKA O PRAVNOM LIJEKU:**

Protiv ove Odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi direktno ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

MINISTAR

dr. sci. Edin Ramić

Dostaviti:

- Učesniku u postupku
- Web stranica Ministarstva
- Grupa poslova za javne nabavke
- a/a